

կողմերը, մնացեալ գաւառները լեռնային բարձրաւանդակներ էին, որոնք միայն տալիս էին ճոխ մարգեր խաշնարածութեան համար: Այս պատճառով բնակիչների գլխաւոր պարապմունքը անասնապահութիւնն էր:

Հայերը առաւելապէս բռնել էին այն տեղերը, ուր կարելի էր եւ վարուցանքով պարապել. իսկ այդ չէր կացուցանում նրանց ապրուստի գլխաւոր աղբիւրը, նրանք միեւնոյն ժամանակ եւ երկրագործ եւ հովիւներ էին: Ձմեռը անցուցանում էին նրանք գետնափոր խրճիթներում, իրանց գիւղերի մէջ, իսկ տարրայ մնացած ամիսները չադրներում, լեռների բարձրաւանդակների վրայ:

Այստեղ հայերի մի այսպիսի կիսա-չոական եւ կիսա-հաստատաբնակ կեցութիւնը տոել էր նրանց բնաւորութեանը երկակենցաղ կենդանիների յատկութիւններ: Նրանց գետնափոր խրճիթներն, իրենց ստորերկրեայ ոլոր-մոլոր խորշերով, աւելի նման էին սողունների որջին, եւ դա մտցրել էր բնակիչների մէջ օձի նենգութիւնը եւ նրա ոխերիմ չարամտութիւնը. նա պատրաստ էր խայթել, եթէ յարմար միջոց գտներ: Նրանց հովուական չադրները, կազմած լեռների բարձրաւանդակների վրայ, բազմագոյ ջրվեժների մօտ, շրջապատած հսկայական ժայռերով, որոտի եւ կայծակի ահեղ սպառնալեաց ներքոյ, — տոել էին նրանց բնաւորութեանը աւելի կիսավայրենի եւ կիսագազանային յատկութիւններ:

Հովուական կեանքը իր նահապետական պարզութեան հետ ունի եւ իր վայրենի կատաղութիւնը: Մշակական կեանքը իր աշխատասէր հոգու հետ պահպանում է թուլասրտութիւն եւ երկչոտութիւն:

Հայը իր հայրենի լեռների թէւ հարազատ, բայց փչացած որդին էր: Զուրդը նրա մտերիմ որդեգիրն էր: Հայը ոչ կատարեալ, երկրագործ էր եւ ոչ կատարեալ հովիւ: Զուրդը հաւատարիմ էր մնացել իր պարապմունքին. նա հոգով եւ սրտով հովիւ էր, այդ բառի բուն նշանակութեամբ: Այս պատճառով նա տիրում էր:

Հովիւները միշտ տիրում են, որպէս իրանց հօտերին, նոյնպէս եւ մերձաւոր ժողովուրդներին: Մարդկութեան առաջին տիրապետողները եղել են հովիւները: Մեր Հայկ նահապետը նոյնպէս մի քաջ հովիւ էր:

Տարօնի եւ Վասպուրականի հայը եւ հովիւ էր եւ երկրագործ. նա վարում էր որպէս չոական, նոյնպէս եւ հաստատաբնակ կեանք: Իր գիւղում, գետնափոր խրճիթների մէջ նա ապրում էր որպէս գազանը իր որջում. իր արտերի մէջ նա զինտորած էր բահով եւ մանգաղով. իր լեռների արօտներում նա զինտորած էր հրացանով եւ թրով: Այսպիսի երկակենցաղ ապրու-